



31. august 2018

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara:

Naalakkersuisunut apeqqutit:

1. Naalakkersuisut Illorsuit uterfigineqarnissaat qanoq isumaqarfigaat?

2. Illorsuit uterfigineqarnissaat illersorneqarsinnaanersoq tigussaasumik nalilersinnaajumallugu misissuinerit suut Naalakkersuisut ingerlappaat aamma qaqugu taakku misissuinerit tamanut tusarliunneqarnissaat Naalakkersuisut naatsorsuutigaat?

3. Nunaqarfiup uterfigeqqinneqarsinnaaneranut Illorsuit eqqaanni nunap sisoorneri nutaat qanoq sunniuteqassappat?

4. Naalakkersuisut suliamut tunngasunik allanik soqutiginaatilinnik tusarliussassaqarpat?
(Inatsisartunut ilaasortaq Nivi Olsen, Demokraatit)

Tunngavilersuut

Nuugaatsiami Illorsuarnilu ulloq 17. juuni 2017-mi pisoq tassaarsuaq alianartumik kinguneqartoq tamatta eqqaamavarput. Ulloq manna tikillugu nunaqarfiit taakku suli uterfigineqanngillat. Nuugaatsiami aserortut amerlanerupput taamaattumik nunaqarfiup uterfigeqqinneqarsinnaanissaa takorlooruminaappoq.

Illorsuarni aseruatitertut annikinnerupput taamaakkaluartoq nunaqarfik matoqqavoq nuna sisoqqissinnaammat tassaarsuarmik nutaamik pilersitsisinnaasumik. Maannakkullu nunap immikkoortuani kommuneqogedi nalunaarpoq qaqqaq nakkaassagatinneqartoq nakkaasimasoq imaanut, taamaattumillu tassaarsuaqarsinnaanera ulorianarpallaarunnaamisoq.

Naluneqanngitsutut Illorsuit eqqaani aalisarnek periarfissarissaartuuvoq taamaatumik naapertuutissagalarpoq Naalakkersuisut nutaamik naliliiffiginnaasuuppasuk Illorsuit uterfigineqarsinnaanersoq, innuttaasut piumasut immaqa uterusussinnaassammata.

Erseqqissaassutigissuarali pingaartikkakku tamatumap sukumiisumik misissorneqarnissaa arlaannattaluunniit kissaatiginngimmagu nutaamik ajunaarnersuaqaqqinnissaa.

Tamanna tunngavigalugu qilanaarpunga apeqqutima ullut sulliviit naliginnaasut qulit iluanni akineqarnissaannut.